

最近百年 上海歷史演義【三】

目次

- | | | |
|------|------------|------------|
| 第十一回 | 古撫學司剿匪軍 | 周紳士進伐交策 |
| 第十二回 | 維省振民衆紀程 | 覆雨翻雲逆魁授首 |
| 第十三回 | 討奸白人得名和利 | 可憐焦土轉富爲貧 |
| 第十四回 | 紫陽裔譜悉梓鄉 | 太平軍覬覦蘆渡 |
| 第十五回 | 兵庸將怯遠遜鄉團 | 西服洋鎗無斬常勝 |
| 第十六回 | 劉青天輿情愛戴 | 高白面賣友同歸 |
| 第十七回 | 官紳合議李鴻章督師 | 中外同盟巴夏禮有識 |
| 第十八回 | 李鴻章人材薈萃建豐臺 | 方聚星下位沉淪同痛惜 |
| 第十九回 | 易姓認同宗太嫌唐突 | 愚夫遊租界若遇神仙 |

二集 目次

二集 目次

第二十回 萬花開海上北里尋芳

七桅快風生東邦別致

最近百年

上海歷史演義(二)

南沙 張恂九著

第十一回

吉撫臺司剿匪軍 周紳士進伐交策

却說上海城被官兵屢次攻打。用火藥轟開城牆。雖未冲進。日夜提心弔膽。林阿福在六月中。率賊匪一千餘人。乘夜出城。襲擊北營。被游擊余允祥守備景又春所敗。死傷甚多。林阿福左腿受傷。亦鉅。一個月後。傷勢稍平。知大勢不支。遂潛行逃遁。從此逆賊堅守不出。各街巷均置木柵。並砌築上城。劉麗川近來無心歡樂。以致衆妻明目張膽。各就所

第十一回 吉撫臺司剿匪軍 周紳士進伐交策

第十一回 吉撫臺司剿匪軍 周紳士進伐交策

歡漸不畏怕。此詩蕭奎與劉桂珍。早經卿卿我我。遍歷巫山十二峯。其愛情之熱烈。直可使黃浦江之水。達到沸點程度。桂珍貼身小丫頭。叫秋月。年紀十五六。盈盈欲發。見小姐與蕭郎如膠似漆。羨慕無窮。蕭奎雖不必待月西廂。有待紅娘之遞簡。然桂珍噓寒送暖。不時令秋月使命往還。秋月與蕭奎快靚之下。一往情深。每作小鳥依人之態。蕭奎以意中人定情未久。斷不生出得隴望蜀之思。秋月無隙可乘。漸從羨慕而生缺望。且當兩人並肩綉閣。私語喁喁。悉被秋月竊聽無餘。既羨且妬。有意洩漏風聲。破壞花好月圓之境地。果然阻力橫生。蕭奎與桂珍。如一朵彩雲。驀地經罡風吹散。此是後文。且慢表出。當江蘇撫臺許乃釗奉命剿滅紅巾之候。署按察使吉爾杭阿總兵虎嵩林參將秦如虎主

事劉存厚。顧汾內閣中書馬釗。皆從許助剿。自咸豐帝三年九月。至四年六月。前後十個月。區區上海一城。卒未能克復。向欽差罷免許。乃釗以吉爾杭阿代之。吉撫臺精密規畫。使官兵合圍。劉麗川聞悉。噢驚不小。令手下羣匪。次第剪髮梳辮。爲遁走之預備。一面哀求外人。願率衆盡奉耶穌教。因太平天國之初起。所以與外人得通聲氣。最大之原因。在宗教相同。劉麗川洞悉其故。故亦以此冀取得外人之同情。且起事之先。曾託其袒護。諒必不致被拒絕。豈知外人非真愛我。無非圖利。利盡則交疏。今見紅巾賊勢力漸衰。不大可靠。就旁觀袖手。作游移之態度。劉麗川既一再要求。外人恆設辭推諉。劉命書記蕭奎。復用一種特別字體。致書其相識之外國人。暗囑吹噓。以免爲中國人窺破。何爲特

第十一回 吉撫署司剿匪軍 周紳士進伐交策

別字體。洋商始來上海時。盡人所知者。爲一種不中不西之洋涇浜話。以外英文二十六個字母。以中文部首之「丨」人「口」○等指定二十六式。以代英文字母。因華人初與洋商生意來往。此字母之音。華人頗能學舌。惟其字形。則屈曲旁行。難於摹擬。點者遂創造此項字體。道光帝末年頗盛行之。當時劉之交結外人。中國官吏。用許多方法。偵緝其證據。遂用此暗碼字。其得識外人之來歷。前者即雇用劉麗川當馬夫之主人。譯名鹽飛司。蓋洋商奴隸。亦有極信任者。鹽飛司即信任劉麗川。聞其欲圖造反。大贊成。以爲中國倘有內亂。即外人攫取權利之機會。即許其言於英領事阿法。暗中援助。劉氏有恃無恐。倡言謀叛。後者洪琴仙爲妓女時。名噪北里。洋商嫖妓。間亦有之。法人康賽與爲洪琴仙。

之主顧。其初不過尋常應酬。繼而漸爲康賽興青眼。一句實在說話。洪琴仙嘗過外國異味。自獻於劉麗川後。浮雲富貴。洪琴仙志得意滿。而劉亦寵幸十分。軍事祕密。概告諸琴仙。率衆奉耶蘇教之舉。一時外人不肯答應。琴仙遂借箸代籌。特盛其裝飾。由逆匪十餘人簇擁出北門。赴法租界洋行中。尋覓康賽興。康賽興大爲詫異。及細談顧末。康賽興未免有情。不忍柳琴仙之意。允代爲竭力運動。洪琴仙以爲所謀如願。興致勃勃。自居有大功。詎知外人一味觀望。絕不願再與劉麗川接洽。故鹽飛司爲製造機會之人。康賽興得悉底蘊。佯作介紹。陰爲阻梗。竟明白回絕信教之舉。於是劉麗川更覺憂慮。諸侍妾各有所歡者。私相告語。亦知劉氏壽命不永。將派給之金珠珍寶。潛運出外。作他日逃生。

第十一回 吉撫臺司剿匪軍 周紳士進伐交策

之備。吉撫台自奉命督師。催諸將速定復城之計。預備下令動員。九月中。北營官兵。知洋涇浜爲城匪運糧命脈。乃將餉道截斷。使之無從得食。匪始受困。心皆惶惶。然無所措手足。乃想出一條惡計。使城中人不能吃飽。限制每一人。每一日祇准用米半升。造飯煮粥。聽憑自便。俗語云。有殺罪無餓罪。此刻幾幾乎闔城悉宣判爲餓罪之囚徒。平日稍儲存糧之人民。概遭奪去充公。甚至所藏糠粟之類。不堪下咽者。亦搜括無遺。其食量較多。飢不可耐之輩。惟有從城頭縋而逃出。以求果腹。吉撫台爲之籌設局。所以收容之。始而日計數百人。後則越收越多。至每日千人以外。至十一月。城內將無點火之具。彼時夜間資以點火。祇有豆油菜油蠟燭三樣。非但自來火電燈時代未曾遇著。卽火油亦未行。

用。這油燭都經用完。城外無從接濟。祇得大衆每夜在黑暗之中。不啻牢獄之犯人。吉撫台以上海北門外。卽屬法國租界。外人所開洋行頗多。審察地勢。自北門至鄭家木橋一段。爲進兵攻城必經之道。萬不能繞越而過。外國人以嚴守中立爲名。表面上自不能幫助劉麗川。亦不便幫助官兵。故官兵擬包圍上海城。紮營於鄭家木橋。以進逼北城。外人不肯應允。吉撫台十分焦慮。乃召集募友及隨征各將佐。開會籌議。並徵求本地士紳有何意見。可以克復上海城池。劉麗川佔城之初。所有錢糧倉庫。不必說收括淨盡。復探知四鄉身家殷實之人。向之勸募糧餉。如其不答應。則強迫恫嚇。擺出草寇架子。甚而將富室拿捉監禁。如近來社會上綁匪行徑一樣。距離上海虹口之北十餘里。有引翔港。

第十一回 吉撫臺司剿匪軍 周紳士進伐交策

鎮人烟稠密。市面熱鬧。鎮上有周姓巨族。富甲一鄉。周宗泰推爲全族冠。在南甯開設沙船商號。自置沙船多至八十餘艘。當年沙船營業如何情形。前回已言大略。劉麗川素耳周宗泰之殷富。先送一封書信。借糧米五千石。以充兵食。周宗泰欲思拒絕。則大禍立臨。偷然應許。非但心所不甘。而且一時調度不及。愁眉雙鎖。寢食難安。原來周宗泰既爲上海北鄉資本家。又爲辦理地方公益之董事。娶一妻一妾。妻郁氏出自名門。讀書識字。處理家政。有條不紊。而且頗有見解。明白果斷。因見丈夫不勝憂慮。動問爲著何事。周宗泰詳告其緣故。且言進退兩難。郁氏曰。我有一層計畫。如能達目的。不但我家可免其害。卽上海大局亦可轉危爲安。祇要如此如此。便可解決。周宗泰仔細思量。此計極妙。決

定依照郁氏之說。立刻將家內所積書價值鉅大之書畫古玩金珠鑽石收拾攜帶。全家老幼。祕密遷移往外國租界。暫時居住。其地址除家人之外。概不知悉。對於借糧書函置之不理。劉麗川守候幾天。毫無音信。大爲憤怒。遣其同黨。點齊四五十人馬。趕到引翔港鎮。一問周紳董全家不知去向。一班人忿無可洩。欲將其住宅縱火焚燒之。經衆百姓叩首哀求。以免延累。始未火攻。然遷怒終不能免。遂開始規掠。擇殷實之商店住戶。飽掠一頓。方恨恨而歸。及吉撫台訪求破城之法。周宗泰即條陳請洋兵助攻。定能收復城池。因周宗泰既開商船號。爲上海華人商業之領袖。其時外國輪船公司。非但中國未嘗有之。即在其本國亦未有萌芽。航海之學。駕駛之術。諸悉之人。尙極少數。外人以貨物運

第十一回 吉撫臺司剿匪軍 周紳士進促交策

來上海。由沙船轉運北洋一帶者。亦可接洽裝載。故洋行中人。與周宗泰漸相熟識。當時以借助之事。向洋行主人洽商。洋行主人陳述於彼國領事。各國領事會商之下。事屬可行。惟俟華官正式交涉後。可以答應。周宗泰復通知吉撫台。撫台命道台楊能格向各國領事請求。在各領事之意。紅巾匪長此佔據。城內外久經隔絕。彼國商務。大有窒礙。從前以預謀而起內亂。今且願助力以平內亂。倒未曾提出條件以相要挾。乃楊能格存心賣國。輾轉認識法領事公館中之武官。譯音叫辣厄爾。據其對楊能格自稱。係法國水師提督。有如何之權力。有如何之戰略。於是楊能格竭力巴結。外國官商一體。官吏時時保護其商人。商人則以爭獲權利。使國家日即富強。且文武官職。事務雖有大小。而聯絡

貫通。呼吸一氣。辣厄爾見吳健彰殷勤來往。遂去告知領事暨上級武官。外人早已窺破華官。無非存自私自利之心。楊道台處。可儘量以條件互相交換。祇消一筆佣金。計其優厚。就可如願。辣厄爾奉此方針。亦與楊道台酬酢親密。先辦幾色禮物餽送。請問是何項禮物。金時計一枚。係法國最有名之工廠製造。內部機器。不必說用百鍊鋼條製就。且嵌滿紅藍寶石。間以金剛鑽幾粒。外用黑金表壳。夜明面兼打簧。最奇者。表面畫一小人。有半寸長短。一晝夜十二個時辰。由小人雙手捧出報時辰牌。細若毫芒。而字畫清楚。且尋常之表。開足法條。至多走四十八點鐘。獨此表可走一星期。輪船模型一隻。長祇一尺四寸。內部外表與大輪船構造一樣。且爲三層樓。裝簧頗華美。隨附鑰匙一枚。發動機

第十一回 吉撫臺司剿匪軍 周紳士進伐交策

裝在船尾。開足機器。平地上可行一百碼之遠。若放於水中。亦能行動。不過須以小舢板隨之。否則恐其沉沒。翡翠圖章一對。高一寸。轉方五分。純綠而光彩煥發。亦價值不貲。珍珠多寶串一掛。每顆重一分新光而精圓。共珠一百顆。中參以深紅寶石。淡藍寶石。各兩塊。楊能格一見。心花怒開。謙讓再三。方始收受。對辣厄爾曰。猥蒙厚賜。感謝不盡。貴國如有所需。某惟力是視。彼此心照。當下即請辣厄爾極道地之西餐。飲酒中間。辣厄爾盞稱中華肴饌之精緻。涎垂三尺。楊能格遂即席訂定。明日邀用中菜。地點何在。老實說。定在妓院中。若論外國人赴華人妓院之招飲。不大看見。目前辣厄爾與楊道台彼此拚命聯絡。故無所不可。泊翌日。依時入席。陪客各人。盡屬官場。觥籌交錯。飛箋召花。辣厄爾

辭以無花可召。楊道台代爲徵取多名。環肥燕瘦。列侍辣厄爾左右。如肉屏風。辣厄爾來上海已三年。能說中國話。故不致隔閡。酒綠燈紅之際。辣厄爾問楊道台。大人府上有幾位如夫人。楊道台答三個小妾。又問諸位大人。想府上都有如夫人。今天如許佳麗。有無賞識之材。楊道台指主事劉存厚。及一位姓錢之紳士。說此二位儉樸之極。不辦如君其餘大人們都喜歡玩玩。有一個侑酒妓女。於在座諸人家內情形。略知大概。攪言曰。諸位中錢大人劉大人是吃素。別人全是吃葷。秦大人是姨太太頗多。故時聞打碎醋瓶。其府上所用菜蔬。每樣有點酸溜溜。說得闕堂大笑。秦如虎板起面孔。罵曰。混賬王八蛋。汝看見否。該妓見秦如虎認真起來。嚇得面如土色。身體抖戰。還是主人楊道台出爲解。

第十一回

吉撫軍剿匪軍

周紳士進伐交策

圍說此言太形容得刻薄。秦大人不要動氣。罰其吃酒五大杯。不許代替。不許折扣。秦參將看道。台作和事老。不便再發作。祇得微微一笑。曰。算了。大凡妓女出堂差。也有坐幾分鐘。也有坐幾點鐘。或是竟終席而去。還有與客人偕行之時。無非視妓女時髦不時髦。及客人交情之多寡。花界中對待十戶客十樣。一百戶客一百樣。並無一律規矩。今天席面上全是大人。大物。衆妓家當然巴結。決不有坐數分鐘就走者。猜拳行令。熱鬧非常。辣厄爾亦全會敷衍。不致於冷落慢客。座中錢姓紳士。書生本色。有點道學氣。因道台令其支賓。故不可不到。有心問辣厄爾曰。貴國有無納妾之例。辣厄爾搖頭不止。曰。非但敝國從無此事。泰西各國亦均行一夫一妻之制度。且敝國儘多終身不娶之人。因敝國習